


Սուրբ Սահակի մատուռը մեր կարգադրութեամբ և տրօք բարեպաշտ Բագունցոց՝ այս 1891 թուին նորոգւեց , որոյ մօտ շինուեց և սեղանատուն կամ հիւրատուն ուխտաւորաց :

Մատրան նորոգութեան արձանագիրն է ըստ այսմ :

“Յամի Տեառն 1891 եւ Հայկական 4382 . տնօրէնութեամբ Առաջնորդին Հայոց Շամախոյ վիճակի Մեսրովք Արքեպիսկոպոսի Սմբատեանց Նախիջևանցոյ . ի Հայրապետութեան ամենայն Հայոց Տ. Տ. Մակարայ Վեհափառ Կաթողիկոսի , նորոգեցաւ մատուռս սուրբ Սահակ Նահատակ վաչդապետի՝ տրօք բարեպաշտ ազգայնոց մերոց որ ի Բագու քաղաքի . վերակացութեամբ Կարապետ քահանայի Տէր Կարապետեան Բարքանջ գեղջ” :

Խոկ սեղանատան արձանագիրն այսպէս :

“Յամի Տեառն 1891 եւ Հայկական 4382 . հրամանաւ Առաջնորդ Մեսրովք Արքեպիսկոպոսի շինեցաւ սեղանատունս ուխտաւորաց՝ տրօք Բագունցի Հայոց , վերակացութեամբ Բարքանջայ Կարապետ քահանայի Տէր Կարապետեանց” :



Քարքանջ գիւղի բնակիչքն լեզուով . սովորութիւնով և ամեն բանով երեւում են , որ Պարսկաստանի Խոյ քաղաքիցը , կամ գիւղերիցն են գաղթել . մի քանի դար յառաջ : Եւ իսկապէս Թոռնաւան գաւառիցն են , որ այժմ Չորսոյ մըհալ՝ հանդէպ Նախիջևանայ՝ յայնկոյս երասխայ :

Քարքանջի տեղն ու դիրքը շատ վայելուչ է մի բարձրագիր բլրակի վրայ շինուած և շրջապատած այգիներով , ունի 231 տուն Հայ Քրիստոնեայ բնակիչ , և մի առողջարար աղ-